

DAVIES, DANIEL ('Y Dyn Dall'; 1797 - 1876), gweinidog gyda'r Bedyddwyr

Enw: Daniel Davies
Ffugenw: Y Dyn Dall
Dyddiad geni: 1797
Dyddiad marw: 1876
Rhyw: Gwryw
Galwedigaeth: gweinidog gyda'r Bedyddwyr
Maes gweithgaredd: Crefydd
Awdur: Morris Brynllwyn Owen

Ganed ym Moelfre, Llanfair-ar-y-bryn, Sir Gaerfyrddin, 15 Tachwedd 1797. Yn 1803 symudodd ei dad i Ferthyr Tydfil ac yn 1804 amddifadwyd y bachgen Daniel o'i olygon gan y frech wen.

Bu'n gweithio yng ngwaith [Guest](#), Merthyr, am bum mlynedd cyn ei dderbyn i sefydliad y deillion yn Lerpwl yn 1815. Yno dysgodd grefft a siarad Saesneg.

Dychwelodd yn 1817 a dechreuodd bregethu gyda'r Methodistiaid, ond yn 1821 bedyddiwyd ef gan [David Saunders](#), Seion, yn afon Taf; yr un flwyddyn ymsefydlodd yn weinidog ar ddiadell o Fedyddwyr yn Llundain. Yn niwedd 1826 dechreuodd ar ei waith yn Abertawe, fel olynydd [Joseph Harris](#) ('Gomer'); llafuriodd yno hyd 1855. O 1855 i 1860 gofalai am Fethania, Aberteifi, ac o 1861 i 1868 am Ebeneser, Aberafon. Yn ei ddydd yr oedd yn wr amlwg ym mywyd cyhoeddus ei enwad.

Bu farw 19 Chwefror 1876 a chladdwyd ef yn Abertawe.

Awdur

Y Parchedig Morris Brynllwyn Owen, (1875 - 1949)

Ffynonellau

H. Blackwell, [NLW MSS 9254A: A Dictionary of Welsh Biography](#) (1108)

T. R. Roberts, *Eminent Welshmen: a short biographical dictionary of Welshmen... from the earliest times to the present* (1908), 34

Notable Welshmen (1700-1900) (1908), 342-3

Hanes y Bedyddwyr yn Nghymru iv, 407-8

Hanes y Bedyddwyr yn Neheubarth Cymru (1839), 1839, 523-4

Seren Gomer, 1822, 280

Baptist Handbook, 1877, 357-60

R. Edwards, *Hanes Bethania, Aberteifi* (Llandysul 1947), 57-61

Ll. Griffiths, *Hanes Eglwys Ebenezer, Aberafon, a'i chyssylltiadau, o'r flwyddyn 1650 hyd 1883 yn ei pherthynas â rhai agweddau yn hanes foreuol y Bedyddwyr yn Morganwg* (Cwmafon 1883?), 98

J. Rowlands, *Cofiant y Parch. Daniel Davies, D.D. (Y Dyn Dall)* (Llanelli 1879)

Darllen Pellach

Erthygl Wicipedia: [Daniel Davies](#)

Delweddau

Newman & Co., [Y Parch. Daniel Davies Gweinidog y Bedyddwyr yn Abertawe](#)

Dolenni Ychwanegol

Wikidata: [Q20732768](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC-RUU/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

